

Lingzyinz: Hawfwen Haeujgamj Fwen Goksa

凌云：吼敢歌圩歌如海

5 nyied 1 hauh (liggaeuq ndwensam cibloeg), youz Lingzyinz Yenveij Senh-conzbu、Vwnzva Dijyuz Sinhvwnz Caeuq Gvangjdengiz、Minzcuz Swvugiz cawj-banh, Cauzlij Yauzcuz Yangh Dangveij、Cwngfuj ciepbanh, ciet vwnzva hawfwen “haeujgamj 3·16” aeu “hungzyangz lizsij vwnzva, langhbaij minzcuz fungcingz” guh cawjdaez haenx youq Cauzlij Yauzcuz Yangh Luzcoz Cunh Mbanj Nazbya hoengh banh.

Ngoenz haenx, gyoengq vunzlai daeuj ganj hawfwen haenx daenj buhmoq vaqmoq cietheiq, roxnaeuz comz youq laj dinbya henx dah, roxnaeuz comz youq ndaw mbanj, roxnaeuz caenx haeuj aen ciengzhoih yinxdingh bae, cimz gigwn ndeigwn, yawj ndawbiengz cietheiq, cwxcaih angqyangz dwk doiq fwen diuq foux, ciengzmienh nauhyied dangqmaz.

Ciuq cam rox, ciet vwnzva minzsuz

“haeujgamj 3·16” dwg aen ciet cei q hung ndawbiengz Lingzyinz caeuq sei qhenz vunzlai he, daj Sungcauz bienq daengz seizneix gaenq miz 900 lai bi lizsij lo.

(Loz Hihhaij/罗希海)



▲ Dingq eu fwen dwg cungj yiengjsouh ndeu, mwngz yawj doengh meh neix riu dwk dingjai bae, gig haisim.



▲ Gwnz daizheiq yienj Heiquengh.



▲ Canghfwen Bwnzyauz caeuq canghfwen Hungzyauz doengz daiz yienqciengq.

Yungzsuij:

Banh Hozdung Biujyienj Gaiq Daih'it Ban-beizyin Swnjcienz Fwen Yauzcuz Gezyez

融水:开展首届瑶歌传承培训班结业表演活动

4 nyied 28 hauh daengz 5 nyied 1 hauh, Yungzsuij Myauzcuz Swciyen youq yienhsingz banh gaiq daih'it banbeizyin swnjcienz fwen Yauzcuz gezyez biujyienj hozdung, 45 boux Yauzcuz canghfwen daj aen yienh neix 8 aen yangh cin 2 aen Yauzcuz cihhi daeuj haenx camgya le mbat hozdung neix.

Mbat hozdung neix dwg aen hozdung hung cingileix, vatcimh Yauzcuz conzdungj vwnzva, swnjcienz Yauzcuz maenhndei vwnzva ndeu, youz Liujcouh Si Minzcunghveij cawjbanh, Yungzsuij Myauzcuz Swciyen Minzcunghgiz、Yungzsuij Yauzyozvei ciepbanh. Doeng-gvaq beizyin, gyoengq yozyenz hag rox 30 hot fwen Yauzcuz doxhwnj, bouxboux cungj naeuz baenzneix engqgya ndiepsim soucomz、cingileix、vatcimh、swnjcienz Yauzcuz conzdungj vwnzva, sawj Yauzcuz youhsiu vwnzva ndaej youq ndawbiengz yaprongh, daihdaih cienz roengzbae.

(Veiz Yungzcunh/韦荣春)

Sanhgyangh: Cien Vunz “Yezyej” Langh Fungcingz

三江：千人“月也”展风情

5 nyied 5 hauh, Sanhgyangh Duncuz Swciyen Duzdung Cin Gancungh Cunh daengz Gauhdind Cunh banh “yezyej” hozdung, baenz cien Duncuz beixnuengx ndang daenj buhmoq vaqmoq, fwngz gang liengjva, byaij bae ndaw mbanj, caijdangz diuq fouxdohyeh, fungcingz daegbied miz yinx vunz gig gyaenz yawj. Duncuz “yezyej” ei qsei dwg daihgya bae youz mbanj guh hek, dwg Duncuz cungj lijyiz doxgyau youqgaenj he.

(Gungh Bujangh/龚普康)



▲ Baenz cien vunz bae youz mbanj guhhek, diuq foux caijdangz.

Sanglinz:

Ciengx Gungq Ndaej Demsou Hohgungzhoj Riu Yumyum

上林：小龙虾喜丰收 贫困户笑开颜



▲ Ciengx gungq ndaej demsou, gunghyinz angq genj gungq.

5 nyied 2 hauh, Sanglinz Yen Dafungh Cin Yinzlij Cunh ciengx gungq gihdi gyoengq gunghyinz riu haha dwk genj gungq. Aen gihdi neix daj bi 2016 co guhbaenz, laebdaeb roengzngaenz 700 lai fanh maenz, gonqlaeng gai gungq ndaej 2 fanh lai gaen, cungcanciz mauhgvaq 150 fanh maenz. Dangqnaj cingq daiqdoengh 37 hoh hohgungzhoj cugciemh saedyienh vutgungz、baenzfouq, youq daengx yienh bangruz ca mbouj geijlai miz 10 boux cauhnib baenzfouq haenx daiqdaez ciengx gungq, lij ietnangq daiqdoengh bouxhek hwngfat daengz Lungzanh Yen caeuq Yilinz、Vuzcouh daengj dieg ciengx gungq 1000 moux doxhwnj.

(Lanz Couh/蓝洲)